

關聖帝君寶訓像註

集亨

ハ 6
2478
2



2478
4-2

關帝寶訓像註卷二目錄



守王法

王之綸 贈獎賢紳

重師尊

彭汝勵 尊師忘貴 韓天秀 加禮延師

信朋友

朱暉 知己信心 汪一清 智全友妻

高玉亭 禮接貧友

和鄉鄰

陳緒昌 濟鄰得嗣

別夫婦

蘇汝惠 重母愛妻 曹鼎 妻賢夫義

史堂 薄妻獲譴 張孺人 勤儉相夫

陸氏 前夫示譴 瑞安全 貴主不妒

徐氏 妒殺孕妾

教子孫

盧氏 訓子清宦 王瑤 溺愛絕嗣

程母 大賢母教 巨盜 臨刑咬母

時行方便

袁待賢 方便獲福 李中美 吏隸勸善

吳文英 大師勸善

廣積陰功

富弼 濟饑德普 曹彬 好生普眾

楊自懲 曲解宰怒 趙邃 夢接前賢

救難

黃汝楫 捐金贖掠 李遂 執獄平反

張繡 代人贖罪

濟急

李凝 恤留產婦 左藻 七魂報德

孫景固 貧能濟急

恤孤

石崑玉 代贖孤女 劉宏敬 憐孤認女

憐貧

瞿嗣興 暗恤貧人 費黃 富而恤貧

李登瀛 貧能恤佃

翔修廟宇

胡道人 誠修神廟

印造經文

陳之棟 印經解厄

捨藥

蔡元璜 施藥登第

施茶

陽雍伯 施漿獲璧

戒殺

汪君弼 誓天戒殺 周豫 戒殺顯宦

放生

王敏仲 師勸放生 楊序 放生延壽

鄭圭 夢神授書

造橋

董起 造橋成仙

修路

馬景白 修路榮貴

守王法

三




守王法

〔增論〕王法者國家之定律。頒行天下。令人知所遵也。而世有一種懵懂輩。不知法為何物。乃昧而不守者有之。又有一種兇頑輩。明知法不可寬。乃玩而不守者有之。不守法。斯犯法矣。以至在家之人。而竟為在官之人。無罪之身。而竟成有罪之身。諺云。人心似鐵。官法如爐。受繫受辱。顏面無以見人。而且一經法斷。輕則皮肉俱裂。重則性命不保。吁。王法顧可忽乎哉。惟守法。自不犯法。此義不但庶人當知。凡為紳士。更宜倍慎也。



關子實川象主

卷二 贈獎賢紳




關子實川象主

明王之綸在京爲御史。每寄書戒其子弟曰：官糧早完，佃租緩索，有外侮宜忍，不宜爭求說情，宜辭不宜應，王法森嚴，凜不可犯，惟恪守爲上耳。子弟遵其訓，邑人稱贊不絕。後按院知其居鄉賢，贈以匾額，鄰近諸紳聞而感化。

重師尊

〔增論〕師何以尊稱耶？言其文章品行足以爲人之矜式，故曰尊焉。而世之延師者，率多輕之，以敦詩說禮之儒，竟等於梓匠輪輿之輩。猥曰其志將以求食也，噫，謬矣。每見富厚之家，以一器一物付人製造，猶慙慙而申款洽，况以子弟之成立托之於師，何等關係，而漫無隆儀厚誼耶？必虛心以待之，折節以求之，寧爲過情，毋爲不及情，則尊師之道得，而若人世獲書香之報矣。

係



宋待制彭汝勵。少常師倪天隱。及官保傅。迎天隱於家。執
 弟子禮。恭甚。天隱死。母猶未葬。明年妻亦死。且無子。公為
 葬其三喪。又為嫁女於同年進士宋渙。不忘師於死後。自
 不輕師於生前也。



關帝寶川象主

卷二 加禮延師


五

明韓天秀江西人。每延師。必卑禮厚聘。預送三月束修。令師安家。得以盡心教我子弟。於束修外。衣帽菓餅等物。頻頻餽送。遇師有急難事。破格厚贈。凡師辭館時。又送三月束修。師多辭之。秀曰。師今閒居。聊爲三月費也。後二子俱中式。書香甲於一邑。

信朋友

增論朋友乃五倫之一也。人少長出就外傳。必有年相若者。彼此往來。而朋友自此始。嗣後年愈壯。友愈多。若求善與人交之道。厥惟有信之一字。信者不欺心。不負心。之謂也。一則驗之於窮達之境。一則驗之於生死之關。一朝富貴。不忘貧賤之交。凡舊日相與莫逆者。每延而致之。爲伊謀安全計。久遠而不僅托諸空言。斯爲尚義之君子。乃信之不以窮達而易者也。或不幸而友亡。凡一切身後之事。伊親族所不敢擔荷者。慨然以爲己任。卽遠隔河山。必千里寄書。詢其父母何依。妻子何託。但可以釋其苦。而分其憂者。盡心力而爲之。斯爲尚義。

克終之君子。乃信之。不以生死而殊者也。噫。今之交情。日趨日下矣。有若此其信人乎。吾將歌之。詠之。以愧夫朋友之不信者。




陽明先生語錄

卷二 知己信心

七

朱暉南陽宛人與張堪同縣堪於太學中見暉接以友道把其臂曰他日欲以妻子託生暉以堪先達不敢對自後不復相見堪亡後暉聞其妻子貧困自往候視分居食給之暉子怪問曰大人不與張君為友何乃如此暉曰張君嘗有知己之言吾已信於心矣嗟乎朱暉之德固不待言張堪之識洵為巨眼錄此并以告托友者不可不慎擇也



關帝聖訓傳記 卷二 智全友妻

明鎮海諸生汪一清嘉靖辛酉廣東張連作亂清為所獲
已而賊執一婦至清視之則友人妻也因給賊曰此吾妹
氏請無污以待贖否則吾與妹碎首於此若曹何利焉賊
因并清閉置一空室中昏夕相對匝月始贖去後清子弱
冠登第



關帝實訓像註

卷二 禮接貧友

明高玉亭先生為副憲時有朋友來謁者必整衣延入嚴
諭門僕不許妄回一人查出妄回一人立刻扑責驅逐其
夫人曰門僕指不通報固可恨但朋友多向爾訴窮似亦
宜少見公歎曰彼雖訴窮吾量力資助設法周全亦是陰
騭事不可縱僕拒人令友寒心也後公壽八十子孫簪纓
不絕

和鄉鄰

增論何言乎鄉與鄰耶萬二千五百家為鄉鷄鳴狗吠
聲相接而夜聞者也五家為鄰出入息面相識而日
見者也地邇而人親可不與之和歟且財甲一方即宜
扶助一方之貧勢甲一方即宜拯濟一方之難匪若是
則無情無義必為鄉鄰所不齒矣若復傲慢之疎絕之
侵奪之又為鄉鄰所切齒矣縱富貴驚人其如眾口
之怨罵何故特表而出之曰和為貴



關子晉川象主

卷二

濟鄰得嗣

七

關子晉川象主

卷二

七

陽帝實錄卷一
陳緒昌福建人。六旬無嗣。值歲荒。里中多不能餬口。昌買糧借給之。令俟豐收償還。率以為常。鄰里數百家。祝昌早生貴子。賢孫後生一子。為翰林孫。為刑科都給事中。

餬

別夫婦

增論夫婦配合。孰不以為天緣之所湊哉。然其間有善緣焉。有惡緣焉。其在善緣。夫過愛其婦。婦篤愛其夫。所謂終日嬉樂者是也。若在惡緣。夫無情於婦。婦無禮於夫。所謂終日詬詈者是也。凡此又何足以言別耶。所貴乎別者。夫表刑于之化。婦修順從之德。一正外而不干內政。一正內而不豫外事。乾剛坤柔。適符唱隨之義。如此而家道有不興隆。子孫有不繁衍者乎。至於婢妾。切莫輕納。倘正室不能賢淑。而勉強為之。非致夫婦之失歡。必致婢妾之失所。其間有隱過焉。可不慎歟。惟年逾四十無子。而正室不能生育者。是不可不為善全之計。


昔人云。一夫一婦。天下之正道。孤陰寡陽。人間之缺陷。無子不可無妾。有子多妾何為。或娶妾人而無出者。恐負彼青春。未免。閨怨。又當及時為之。覓良配而成室家。免了。多少。孽。冤。解却。多少。纏縛。至精氣漸衰。年華漸邁。對青鏡而自生愁歎。尚問嬌柔悅汝乎。若婦人事夫。柔順為德。夫有父母。孝以承之。夫有兄弟。和以處之。夫有親族。禮以待之。夫有婢妾。慈以臨之。恩以恤之。婢妾有子。撫如己生。或為繼室。夫有前子。慎勿漠視。持內政之綱。作中饋之主。勤儉操家。恭默自處。凡事不專。稟明夫子。勉夫為善。阻夫為惡。如此而丈夫有不愛敬賢妻。傍人有不欽誦賢婦者。斷無是理也。




閨中賢婦

卷二 重母愛妻

明蘇汝惠。陝西人。六歲無父。其母為聘定一女為妻。甫五歲。未半載。惠母亡。妻長大。貌陋足跛。惠娶婦歸。琴瑟甚調。一友謔之曰。聞汝婦面目可憎。何不再買一婢。惠曰。此吾母所親聘定者也。所戴簪環。皆吾母故物。若少一憎之。是忘母也。情近於貪。色罪。幾於不孝。吾何忍為友人改容起敬。後惠由武生出仕。官至總兵。




明曹鼎幼家貧常嗟嘆其妻勸之曰嗟嘆無益男兒當自強也從今汝奮志讀書我績紡供汝膏火公曰諾後中狀元有同年欲代為買妾者公貽以詩曰宋配糟糠不下堂史傳此語義非常今人堂上夫情薄未若更言不下牀同年佩服不已公後入相土木之難盡節謚文忠



睽

史堂微時已娶及登第自恨不得富家女為妻悔之遂日
睽隔不復同室其妻鬱鬱成疾數歲堂不一顧妻亦飲恨
臨終隔壁呼堂曰我今死矣爾忍不一視耶堂終不顧及
妻死心不自安乃從邪說謀為厭勝以土器蓋其面兼以
木枷索束縛其口而殮是夕其妻托夢與父曰女託非人
生懷愁恨死受厭勝然壻亦以女故壽祿皆削盡矣明年
堂果卒




閩南實川象生

卷二 勤儉相夫

十一

操

張孺人者。醫正蔣康齋之配也。康齋素貧。以醫自業。家事
 有無。一切不暇問。張孺人躬撻筥。鑰搏節盈縮。化置為豐。
 饗賓客。則躬潔酒餼。勤女工。則親率紡織。康齋以是無內
 顧之憂。晚年受諸子供養。每進豐膳。必戒曰。毋以奢故耗
 產。撫諸子孫及婢僕。顏色溫然。未嘗有叱咤聲。年八十餘。
 耳目行動如常。




前夫示誌

鄭朝議之從子娶陸氏伉儷甚綢繆鄭嘗於枕蓆間謂陸曰我不幸死汝無得嫁汝死我亦如之陸曰要共百年偕老奚為出此不祥語居數年鄭感疾自度必死臨終與陸對父母復申前言陸但俛首悲泣鄭死陸竟攜貲改適一日陸昏暮獨坐恍見一卒投書視之則宛然前夫筆跡也其詞曰十年結髮夫妻一生祭祀之主朝連暮以相歡俸有餘而共聚忽大幻以長往慕何人而輕許違棄我之田疇攘貲財而遂去不惜我之有子不念我之有父義不足以為人之妻慈不足以為人之母吾已訴於上蒼行對理於幽府陸媿駭流汗未幾而卒



關帝實訓像註 卷二 貴主不如 天

明瑞安公主適駙馬都尉萬煒。久之未有子。定制公主無所出。不得畜妾。主曰。豈可因我一人。使萬氏無後乎。入啟皇太后。白於神宗。擇宮婢二人去。煒生數子。



關帝賣訓像註


卷二 如殺孕妾

九


湖廣岳州衛趙指揮妻徐氏悍妒趙本孤族無嗣嘗置一妾徐虐其妾經歲月不令與夫同處及妾有娠飲以峻劑暨胎皆墮焉徐氏後患腹疾謔語既爲妾聲又爲兒聲罹苦數月而死趙亦繼亡家無噍類噫一妒婦而斬絕世勳痛哉

教子孫

增論子孫繩繩而起宗祧喜有託矣而特患其逸居而無教也無教則卽於輕薄流於癡狂乃家門之玷也甚至淫賭其行凶頑其性又家門之大辱而大害也必教之以正勿游手而好閒也勿狐朋而狗友也勿縱酒而漁色寡廉而鮮恥也而且令其好善惡惡以端其本令其誦詩讀書以成其名令其取古今之嘉言懿行以廣其意令其法聖賢之文章道德以高其品凡此皆所謂教也而子孫果率教惟謹窮則爲俊士達則爲良臣自慶衍於無盡矣



唐崔元暉為郎其母盧氏訓之曰吾見姨兄辛元馭云兒
子仕宦者有人來云貧乏不能存此是好消息若云貴財
充足衣馬輕肥此是惡消息吾嘗以為確論比見親表中
仕宦者多將銀物寄其父母伊父母但知喜悅竟不問此
物從何而來果祿俸餘資誠一美事如非理所得與盜賊
何別元暉奉母訓日矢清忠為一代名臣




關帝實川像注

卷二 溺愛絕嗣

三

涿郡王瑤溺愛五子。任其放恣。養成惡性。父不能制。時告諸官。二子次第俱死。遂絕後。及瑤死。次年二月十五日。本處城隍司祝劉進。聞廟中聲喧。披衣起視。從壁孔窺見王瑤。持狀求清明祀。城隍怒曰。爾有子。不能教。自絕嗣。誰可供祀。令鬼卒驅之。瑤大哭去。次日訪之。乃知瑤死已歲餘矣。



程母侯氏程大中公珦之妻明道伊川二程子之母也母事舅姑內外聞其孝大中公禮敬特甚而母益謙順自牧罔或悖焉雖小事未嘗專必稟命而後行治家有法不嚴而整不喜笞仆婢侍或兒女諸子小有呵責必戒之曰貧賤雖殊人則一也恕僕妾之過惟恐有傷獨諸子有過小則詰責大則請命於大中公必令其改而後止嘗日子之所以不肖皆母蔽其過則父不知而無由以正之也故二程夫子飲食衣服一無所擇學成大儒大程官至御史中丞二程官至侍講一代名儒多出其門配享孔廟封為伯後世誦程母之教不衰




關帝實錄像註

卷二 臨刑咬母

陽帝實訓像註 卷二
昔有一巨盜臨刑其母來餽食盜嚙母之臂至流血謂人曰我今日之死實母致之也吾少時取人一針竊人一草母從無禁阻反權喜之積久成習豈慮有今日乎

時行方便

〔增論〕善事多端方便第一有財有勢固易舉行若無財無勢者豈遂不能行方便歟曰有口角之方便在或間談雅論引起人之善心遏抑人之邪念成就人之美事掩藏人之陰私提醒人之迷誤解釋人之怨仇皆隨口方便而陰騭實寓焉至於片言數語立活萬人現救萬命除千年之害垂百世之利又方便之大而陰騭之難名者矣噫無論方便之大小但使念念常憶刻刻不忘且不使人知不令人感久之自然上格穹蒼矣



關帝齋別像註
卷二
三

明袁待賢太學生浙江人。赴京訪親不遇。流落報國寺。窘甚。同寓李某新補廣東郡守。憐而食之。因順路帶回鄉。李精算子平。一日為賢看命。訝曰。汝命孤貧。非僧道則乞丐。當努力修省以造命。賢曰。無錢行善。奈何。李曰。汝口才過人。肯行方便。善自難量。賢從之。到家日。尋方便事。行越五年。掘地得銀。從此致富。因訓其子曰。天定爾翁孤更窮。春生口角。命旋通。兒曹傾聽。還牢記方便。原來最有功。後二子俱登仕籍。



明上元縣李中美為皂隸存心仁恕好行方便嘗曰公門好修行與刑吏朱某善勸吏曰本官親信汝若不行方便是入寶山空手回也吏歎曰我尚知文義似汝一字不識竟能道此語心實佩服二人遂聯為姻相勉行善後吏之子年二十成進士隸之孫年十八登鄉薦



明吳文英平生好勸人爲善。每令人厭。友譏之曰：爾勸人爲善，究竟善在於人，于爾何益？何苦令人厭耶？文英不悔。後問于聽雪大師，師曰：吾聞之經云：一人勸一人作福，兩平分；一人勸九人作福，十人分理，可深信。義可類推也。若謂勸善無益於己，豈不謬哉？

廣積陰功

增論：凡立言行事，有裨益於人者，皆謂之功。裨益於人而彼此相忘於不覺者，謂之陰功。大之而天下後世蒙其澤，小之而鳥獸草木順其性，陰功之量廣矣哉。所貴乎能積之也。居得爲之勢，有可用之財，誠心而行之，其功固易廣也。卽無財無勢而矢心以勉之，竭力以爲之，凡一言一行，無非濟人利物之思，一動一靜，罔有自私自便之謀。至誠恒久，將見日計之而不足者，月計之而有餘矣。月積歲積，始猶有人見爲功，而已尚覺其功者。迨其後，已不自覺其功，而人亦並忘其爲功矣。故有時揚人之善，成人之美，固功也。卽有時折人之短，辱人之



關帝實則象主

卷二 濟饑德普


三

關帝實則象主 卷二

身亦安往而非功耶。廣矣哉。向非有以積之。何克臻此。人之有心於陰功者。其亦廣積之而可乎。

三

富弼鎮青州。適河決八州之民流入京東。弼勸民出粟十餘萬斛。隨處貯之。以濟殍者。括公私閒舍十餘萬區。散處之。使便薪水。明年麥熟。計遠近。授糧使歸。獲生全者五十餘萬。公位極人臣。名垂不朽。




關帝實錄卷二

好生誓衆

三

宋曹彬忠誠事君謙退自處帥師征討未嘗妄殺初破遂州諸將皆欲屠城公獨執爲不可有獲婦女者悉訪其親還之及伐金陵先焚香誓衆城下之日毋得妄殺一人前後全活不可勝計後公子瑋琮璨繼領旄鉞少子玘追封王爵實生光獻太后以至濟陰生享王爵子孫貴盛無比



關帝實川象注

卷二曲解宰怒

三

鄞人楊自懲初爲縣吏存心仁厚時縣宰嚴肅偶打一囚
血流滿地怒猶未息楊跪而寬解之宰曰此人悖理不由
人不怒楊叩首曰上失其道民散久矣如得其情哀矜勿
喜喜且不可而况怒乎宰爲霽顏楊家甚貧餽遺一無所
取遇囚人乏糧多方濟之一日有新囚待哺家又缺米給
囚則家無食自顧則囚堪憐與其婦商之婦曰囚從何來
曰自杭而來菜色可掬因撤已之米煮粥以食之後生二
子長曰守陳次曰守陞爲南北吏部侍郎次孫四川廉憲
俱爲名臣



國朝趙邃大興人年十六入學帶眼疾進場以致左目內障醫言十五年後傳至右目又夢神告以壽不及四旬心憂之誓行陰隲以造命康熙癸卯春借友人園讀書有鄰女來就公峻拒之旋移去是秋中式初選保定教授日誦感應篇一言一動恐犯太上之戒每飭子曰人不怕見閻王只怕見閻王說不得話耳一夕夢人揖之曰吾袁了凡也汝誦感應篇能身體力行特來相謝汝常如此行自有好處公曰吾左目障恐傳至右目袁答曰不盲於心斷不盲於目也後陞陝西米脂縣知縣清正無私次子如升年十八登鄉薦公左目忽一日重明享壽六十三病痢見童子持幢幡來迎談笑而逝

救難

增論 嗟哉人之陷於難也百計求之而莫能脫將遂坐視其死而莫之救耶夫人之所以不能救者大抵以無財無勢不足以救之耳我若有財有勢固當竭力救之倘我亦復無財無勢又惡乎能救之哉然而未可已也直當引為己難低首下心轉懇夫有財者而借其財有勢者而藉其勢迨財勢兩得而更日夜代為之謀務救其人之得脫於難而後已此其心豈望報耶而天必將有以報之矣

關帝實訓像注

卷二 捐金贖掠


三




關帝實訓像注

卷二

三



宋黃汝楫浙人家富時方臘寇亂汝楫以金銀瘞土中欲
 逃避忽聞賊掠士女千人拘閉空室中得金帛始放還不
 爾則殺死汝楫惻然曰我有金二百斤可悉贖其命乃起
 所瘞之物載至賊營千人皆得脫楫生五子相繼登第



關帝寶訓象注

卷二執獄平反

尾

明李遂為刑部郎中。錦衣衛執送十三人為盜。公審知其
冤。言於長貳請駁之。莫敢任。公毅然曰。規自利而置人於
死。某不為也。即自署名以駁。竟出十三人。後長子斌次子
材俱登第為憲臺。



關帝賣訓像註

卷二代人贖罪

三

張繡邯鄲人家貧無子。置一空罈積錢十年而滿。適有鄰人犯徒欲賣妻以贖罪。而苦三幼子之失母。繡聞之。謀諸夫人曰。彼賣其妻。則三子不能活。遂以所積錢代完贖銀。不足。夫人復拔一釵。湊之。是夕夢上帝抱一兒賜之。乃生子。國彥歷官刑部尚書。


濟急

增論天下之履順境者千百中僅有一二人。其餘類皆逆境。往往致歎於屢空。然終非急也。若急則逆中之逆。凡有目者所共見。凡有心者所共傷矣。苟見之而不思。有以濟之。徒傷之無益也。而無如履順之人。每不知急迫之苦。或漠焉置之。而毫不相濟。或偶焉濟之。而無補其急。豈知杯水難救車火。以致愁而病。病而亡。甚至自經於溝瀆者。豈少也耶。而在尚義之人。則出其所有以濟焉。更稱貸他人之所有以濟焉。且千方百計於無中生有。以濟焉。卽有履順之人。從而誚之曰。爾肯顧人之急。恐人肯顧爾之急也。而尚義者曰。吾將來雖急較。

彼今日之急尚可緩也將來即急而至死較彼今日之
死尚在後也而何復計之又何暇慮之噫天心無私惟
善是庇寧忍負若人而不加佑耶



平陽耿廉獲罪流徙。解送京師。途中妻忽欲產。人莫肯納。有李凝者見之。惻然曰。人孰無緩急。安能以室廬自隨哉。倘產為風露所感冒。則母子俱不能生。吾寧受不祥。何忍死。其母子因留入室。給之漿粥。學士宋濂聞之。高其行為作傳焉。



糧


國朝左藻桐城縣監生。初不事舉業。貿易蘇州。買婢為女。從嫁。婢容端重。問其祖父。婢泣云。我祖七世進士。作宦。今父欠官糧。無措。不得已賣我耳。藻聞之。惻然。因日暮閉女室中。已乃邀同寓博戲。達旦。隨送女歸。其父母不取。原值復與銀釧一副。認為已女。囑媒為擇良配。其父母感泣叩謝。藻父在家。夢冠烏紗七人。謝曰。汝子有陰德。奏聞上帝。賜伊一榜。醒疑之。頃復夢如前。藻歸。父問其有何陰德。藻乃述前事。父告以夢。值康熙癸酉科場。促令赴試。藻遂入場。及試題出。藻悶悶而寐。夢冠烏紗七人來。每人把藻手寫文一篇。藻醒見文已寫畢。遂交卷。三場皆然。榜發。藻中式第六十三名。高郵沈仲岳述其事。



孫景固太平諸生貧甚然性好周急嘗曰必待有餘而後
濟人恐無濟人之日不如就目前勉強爲之每見人有急
必設法周濟卽負累受害亦不恤後夢神告曰爾貧能濟
急比富者功倍卽有善報矣次年鄉會聯捷

恤孤

增論孤子。嗷嗷僅與孀母相倚爲命耳。豈不大可傷哉。
伊父雖有遺貲而幼不能謀生。不數年而食罄矣。伊父
縱有遺產而弱不能自立。不數年而鬻盡矣。况其間惡
族之侵奪。小人之欺騙。又有不可逆計者乎。惟遇此等
人。加一番體恤。見其窘迫莫支。則捐金以相助。見其外
侮莫禦。則出力以相幫。俾其漸至成人而後止。然此特
就孤子論耳。至於人出外而無偶。則爲孤客。人在家而
無輔。則爲孤身。又仁人君子所不忍恣視者。亦必有憐
恤之道矣。



關帝寶訓像誌
卷二
代續訊女

關帝寶訓像誌

卷二

三

石崑玉開封人。富而好善。釋道募化。不肯多給。曰：此固好事。尚有人行我。惟檢人所不肯行者為之而已。凡親友中。笑笑孤寡。百般憐恤。有亡友孤女。賣與人為婢。玉聞而贖之。嫁與士人。後玉享高壽。逝之夕。鄰翁見有人執彩旗到門。恍若請為某城隍者。



關帝寶訓像註 卷二十一 憐孤認女

唐劉宏敬資財巨富。遇善相者曰：君財甚豐，然二三年大期將至，奈何？敬曰：天數其可逃乎？相者曰：惟德動天，勤修令德，壽必可延。敬乃為身後計，有女將適人，覓四婢從嫁。內有方蘭蓀者，色殊而恣態不凡。詢之，對曰：妾代為河洛名家。父任淮西，遇吳寇亂，因姓與寇同，冤遭淪沒。妾已再易主矣，敬傷歎，遂焚其券，認為甥，厚資先其女嫁焉。一夕夢披青衣人泣拜曰：余蘭蓀之父也，感君之恩，無以報。今君壽將盡，當為請於上帝。後三日復夢蘭蓀之父曰：幸上帝許延君壽二十五載，富及三代，敬未敢信。三年相者復至，迎而賀曰：君自眉至髮，有陰德，上動於天，延壽二十五載，慶及三代，敬乃以實告，後果如其言。

憐貧


增論古今聖賢豪傑多從貧乏中崛起，貧乃好消息也。寧肯受人憐哉？而在中下人，輒以貧為苦矣。難乎免於人之憐矣。假如欲養親也，而衣食有不給之憂，欲敬兄也，而梨棗有難推之苦，妻子宜和，或因貧而室人交謫，朋友尚義，或因貧而慷慨難施，是人之大倫，每以一貧而有缺已，推之而課子孫無力，完婚姻無資，畢喪葬無措，疾病不能療，恩情不能報，種種苦緒，無非貧之所致也。可憐歟，不可憐歟，而所謂憐貧者，厥有道焉。頻借頻應而不望其償也，時問時餽而必託以故也，或子之以不費之惠，而使其不感，或貽以自然之利，而使其不覺。

缺

不然憐矣而矢口嘆嗟未免令貧者氣短憐矣而向人
表白未免令貧者色慚何若憐之而我隨忘憐之而彼
堪受之為愈耶



瞿嗣興好行陰德。有一貧人。值大雪。餓不能起。公憐之。攜錢二十緡。投窓隙而去。歲歉。有貧人來糴米。受其錢五千。佯忘曰。汝錢十千耶。倍與之。凡肩挑背負諸人。必多償其直。曰。彼胼手胝足。以求利。恐與較乎。享年八十。無疾而終。子孫累世榮顯。




明費黃鎮江人家計饒足歲歉鄉里親故求貸者無不立
 應至次歲或來償曰周人不足理之常也悉辭弗受衆心
 感刻合力造一橋以祈天祐名曰佑善橋後其孫闡成化
 間會元及第



國朝李登瀛華亭人家貧僅田二畝佃戶以疾荒其田賣
子以償租公惻然曰爾疾不能治田非爾過也我雖貧尚
能自存奈何使爾父子離散也亟取租銀去贖爾子歸其
人曰兒已成賣豈許贖歟公曰我貧人且讓爾租富室大
家亦知積德我為爾言之遂與同往主人服其義許之父
子感泣日致禱祝公隨聯捷官至御史

創修廟宇

增論天下郡邑中莫不有應祀之神以為斯民佑廟宇
之建正所以妥神以伸其敬耳有如風雨之失調也水
旱之間作也災祲之遞見也則相與拜叩之禱祝之儼
然有如在之誠焉而特患廟宇尚闕則神無所依矣又
患廟宇將傾則神有所恫矣故必於無者創之使有頽
者修之使新務令煌煌在目動人見像生心之意豈不
美哉



關帝廟


卷一 誠脩神廟

三

關帝廟

卷一


三



靈佑宮胡道人者。自康熙三十五年。來宮修行。灑掃殿宇。處處必周勤。慎至誠。錙銖愛惜。如是十有五年。積蓄約二十餘金。因見東嶽殿三官殿。滲漏雨濕。神像頽壞。乃傾其所有。苦蓋修補。煥然一新。焚香叩拜。喜不自勝。遂辭赴白雲觀。朝夕念佛。一日謂衆曰。我今日有事。不能相隨念佛矣。坐於靜室。端然而逝。衆爲建塔。至今存焉。

印造經文


增論經典之在世。不自今日始。而在今日爲倍盛。撮其大意。不過使人明心見性而已。後之人又繹之以文。凡以解乎其義。俾人易曉耳。但遐陬僻壤。每有不能傳流之處。則非印造不爲功。必從而印焉。造焉。廣爲散布焉。使天下之人咸得而展閱之。誦誦之。晨鐘暮鼓。庶幾可以醒夢迷而警悟也已。



明陳之棟山西人。商販至京。寓一寺內。腦後生一疽。痛欲死。藥弗效。睡中恍惚見一人曰。爾臥禪堂。不敬經王。大痛難受。悔罪消亡。醒問僧何爲經王。僧答曰。蓮華經。乃諸經之王也。棟頓悟曰。我到此無枕。信手取蓮華經枕之。腦疽之生。佛譴我也。因而佛前懺悔。將所枕經。另裝錦套。頂供殿上。又印蓮華經百卷。供送各廟。再服藥。卽愈。

捨藥

增論人生最苦莫如病。富貴之家。醫藥調治。猶易痊愈。若在貧賤。無力延醫。無錢買藥。任其輾轉牀褥間。幾何其不淪於死耶。更有行旅道途。及窮鄉僻壤。病出倉卒。無醫可延。無藥可買。勢將坐視其死。而不能救。仁人念此。於是有捨藥之舉焉。檢驗良方。修合施送。藥無論貴賤。而品味務真。躬任其辛勞。而炮製必潔。且也隨取而隨與。毫不留難。多取則多與。並無厭數。此等行事。固與救難濟急者同一功德也哉。




Blank page with vertical lines for text.

卷一 施藥登第

明蔡元璜父善醫病家請卽去更檢驗方合藥施人樂此不倦伊姻親死而復甦言至一衙門有吏捧文書出手展文後批語令亟記傳播人間批云元璜無大善未該登第然其父捨藥多年卽此一節中進士有餘也仰註冊施行下科璜果鄉會聯捷

施茶

增論世間樂善君子施捨惟日不足最上者施財功德誠鉅再則施粥施藥施襖施湯降而至於施茶若不敢自以爲善也亦曰姑結良緣耳不知人值渴時口乾舌燥心煩腸熱得杯水如甘露焉寧曰匪善耶且捨茶棚多立於通衢曠野間往來行人無限苦况到此間一飲一坐可以暫時歇憇此何等利益而猶曰匪善耶甚矣施茶之功不可忽而不爲也



卷之二 施泉復壁

五

Blank page with vertical lines for writing.

卷之二 施泉復壁

五

漢陽雍伯嘗說義漿給行人。三年有一人飲訖。問曰：何無菜羹？答曰：無種。其人懷中出菜子一升與之。且曰：種此生美玉。且得好婦。伯種之數歲。北平徐氏有女。伯求之。徐氏曰：得白璧一雙當為婚。忽於種菜處得璧。以聘生十男。皆俊異。先後仕於朝。因名其地曰玉田。

戒殺

增論：凡物皆貪生也。而世人不恤其生。輒以殺為常者。何歟？亦曰：物原供人之食。殺之不為喪心耳。愚謂殺生者。即不謂之喪心。實可謂之忍心。亦不咎其忍心。祇咎其縱口腹之欲。貧賤之人。殺生尚少。富貴之家。殺生必多。或有從而勸之者。不增其厭。即激其怒矣。豈知殺機太深。則殺孽不淺。殺氣太重。則殺報不輕。可勿戒乎？

蓮池大師戒殺文

人人愛命。物物貪生。何得殺彼形軀。充己口食。或利刃剖腹。或尖刀刺心。或剝皮刮鱗。或斷喉劈殼。或滾湯活煮。或鹽酒生醃。可憐大痛無伸。極苦難忍。造此彌天惡

業結成萬世冤仇。今人多病多夭。或死蛇虎。或死刀兵。或死官刑。或死毒藥。皆殺生所感也。我今哀告世人。不敢逼汝持齋。且先勸汝戒殺。戒殺之家。災橫消除。福壽綿遠。種種吉祥。難以具說。獨奈世間食肉。咸謂理所應然。乃恣意殺生。廣積冤業。相習成俗。不自覺知。昔人所謂可為痛哭流涕長太息者是也。計其迷執。略有七條。開列如左。餘可例推。

一曰生日不宜殺生。哀哀父母。生我劬勞。已身始誕之辰。乃生母當難之日也。是日也。正宜戒殺持齋。廣行善事。庶使先亡考妣。早獲超昇。現在椿萱。增延福壽。何得頓忘母難。殺害生靈。上貽累於親。下不利於己。此舉世

習行而不覺其非。可為痛哭流涕長太息者一也。

二曰生子不宜殺生。凡人無子則悲。有子則喜。不思一切禽畜。亦各愛其子。慶我子生。令他子死。於心安乎。夫嬰孩始生。不為積福。而反殺生造業。亦太愚矣。此舉世習行而不覺其非。可為痛哭流涕長太息者二也。

三曰祭先不宜殺生。亡者忌辰。及春秋祭掃。俱當戒殺。以資冥福。殺生以祭。徒增業耳。夫八珍羅於前。安能起九泉之遺骨。而使之食乎。無益而有害。智者不為矣。此舉世習行而不覺其非。可為痛哭流涕長太息者三也。

四曰婚禮不宜殺生。世間婚禮。自問名納采。以至成婚。殺生不知其幾。夫婚者生人之始也。生之始而行殺。理

斯逆矣。又婚禮吉禮也。吉日而用凶事。不亦慘乎。此舉世習行而不覺其非。可為痛哭流涕長太息者四也。
五日宴客不宜殺生。良辰美景。賢主嘉賓。蔬食菜羹。不妨清致。何須廣殺生命。窮極肥甘。笙歌饜飫於杯盤。宰割冤號於砧几。嗟夫。有人心者。能不悲乎。此舉世習行而不覺其非。可為痛哭流涕長太息者五也。
六日祈禳不宜殺生。世人有疾。殺牲祀神。以求福祐。不思已之祀神。欲免死而求生也。殺他物而延我命。逆天悖理。莫甚於此矣。夫正直者為神。神其有私乎。命不可延。而殺業具在。種種淫祀。亦復類是。此舉世習行而不覺其非。可為痛哭流涕長太息者六也。

飲

餒

七日營生不宜殺生。世人為衣食故。或畋獵或漁捕。或屠宰牛羊猪犬等。以資生計。而我觀不作此業者。亦衣亦食。未必其凍餒而死也。殺生營生。神明所殛。以殺昌裕。百無一人。種地獄之深因。受來生之惡報。莫斯為甚矣。何苦而不別求生計乎。此舉世習行而不覺其非。可為痛哭流涕長太息者七也。


海剛峰先生戒殺辯

或曰。人但要心好。何必戒殺。答曰。心好無過於慈。乃將同有血氣。同有子母。同有知覺痛癢之物。戮其身。啖其肉。天下之凶心。慘心。狠心。毒心。莫此為甚。好心却在何處。或曰。大仁無事。小慈何在。戒殺。答曰。仁者宏濟蒼生。

豈以小慈而遂廢之。古聖賢仁民而愛物。又曰民吾胞
物吾與也。如謂執此而遺彼。大仁豈若是歟。或曰細命
似無關係。何必戒殺。答曰物命雖細。皆知貪生畏死。如
蝦蛤螺螄等物。有數命不足充一羹。有百命不足供一
飯者。何忍爲口腹之故。而殺命至無算耶。至若豕羊雞
鴨等物。小而畜之。皆有依依親人之狀。長而殺之。母乃
殘忍之過甚乎。或曰佛教戒殺。儒教何嘗戒殺。答曰三
教雖殊。其仰體上帝好生之心。則一。豈佛老好生。而吾
儒好殺耶。孟子曰見其生。不忍見其死。聞其聲。不忍食
其肉。禮曰諸侯無故不殺牛。大夫無故不殺羊。士無故
不殺犬豕。非大聖賢教人以戒殺之明訓乎。



汪君弼江西人。平日不殺生。而宴客不禁。但時常宴客。竟與不戒殺等。一夕夢竈神告之曰。汝殺生太過。子應死於鋒刃。嗣續絕矣。弼醒後。仍不能改。未幾盜入室。殺其子。遂無後。弼痛悔。嚙指誓天。永不令活物入廚。更買物放生。所活無算。年過五旬。生一子。七旬外。又生孫焉。



學士周豫常烹鱸見有鞠身向上頭尾就湯而死者剖之其腹有子乃知鞠身就湯者護子也豫感歎永不殺生官至極品。

放生

增論從來慈善之人不打生不網生何自而云放歟所云放者以物到我手中而釋放也否則購於人之手中而轉放也但欲放不可稍遲恐物不耐其困也欲放不可假人恐物反受其害也且放之不可有定期恐貪利者因此而預捕也放之不可有定地恐貪味者探此而往取也惟於目覩之頃隨意而買放焉曠野之間隨處而縱放焉則放生而物得生矣噫此等善行在有錢之人易在無錢之人難然有錢放生善固匪小無錢放生善尤加倍乃理之確乎可信者人亦知之否

蓮池大師放生文

蓋聞世間至重者生命。天下最慘者殺傷。是故逢擒則
奔。蟣虱猶知避死。將雨而徙。螻蟻尚且貪生。何乃網於
山。罟於淵。多方掩殺。曲而釣。直而矢。百計搜羅。使其膽
落魂飛。母離子散。或囚籠檻。則如處囹圄。或被刀砧。則
同臨剔戮。憐兒之鹿。舐瘡痕。而寸斷柔腸。畏死之猿。望
弓影。而雙垂悲淚。恃我強而凌彼弱。理恐非宜。食他肉
而補己身。心將安忍。由是昊天垂憫。古聖行仁。解網著
於成湯。畜魚興於子產。聖哉流水。潤枯槁。以囊泉。悲矣
釋迦。代危亡。而割肉。天台智者。鑿放生之池。大樹仙人。
護棲身之鳥。贖鱗蟲。而得度。壽禪師之遺愛。猶存救龍
子。而傳方。孫真人之慈風。未泯。一活蟻也。沙彌易短命。

為長年書生。易卑名為上第一放生。龜也。毛寶以臨危而
脫難。孔愉以微職而封侯。屈師縱鯉於元村。壽增一紀。
隋侯濟蛇於齊野。珠報千金。拯已溺之蠅。酒匠之死刑
免矣。捨將烹之鰲。厨婢之篤疾。瘳焉。買死命於屠家。張
提刑魂昇天界。易餘生於釣艇。李景文毒解丹砂。孫良
嗣解繒繳之危。小葬而羽蟲交助。潘縣令設江湖之禁。
去任而水族悲號。信老免愚民之牲。祥符甘雨。曹溪守
獵人之網。道播神州。雀解啣環報恩。狐能臨井授術。乃
至殘軀得命。垂白璧以聞經。難地求生。現黃衣而入夢。
施皆有報。事匪無徵。載在簡編。昭乎耳目。普願隨所見。
物發慈悲心。得不慳財。行方便事。或恩周多命。則大積

艇

陰功若惠及一蟲亦何非善事苟日增而月累自行廣而福崇慈滿人寰名通天府蕩空冤障多祉萃於今生培清善根餘慶及於他世矣



關帝寶訓像註

卷二

師勸放生

七

宋侍郎王敏仲喜放生。一日忽生疑。往決於小法華禪師。以某所見物。不殺不放。付之無心可乎。師厲聲曰。大錯大錯。面前木頭皆是無心。著幾個木頭。能救得世間一個苦人否。公聞駭然。發心永行放生功德。大抵慈是善。放生實養慈之術云。



宣和間楊序夢神告以逾月當死。若救活億萬生命庶可免。序云大期已迫。物命有限。奈何。神曰佛書云。魚子不經鹽漬。二年尚可活。曷圖之。序竭力買放。仍大書神語於通衢。由是人皆知戒。見魚子即投江河中。月餘復夢神曰。汝壽延矣。

施虞山放生魚子法。將魚子輕輕取出。勿著鹽水。攤放稻草上。或瓦上。俟其水迹略乾。即放於河中。恐為物所食。須淺埋於水際沙泥中。但不可離水。又一法。將乾鬆細泥沙拌魚子。攤放稻草把上。投放沿河淺際。庶不被他物戕食。物命之多。放生之易。無過於此。仁人君子。幸擇而行之。


庶



錢塘名士鄭圭病中夢舉人陸庸成過訪時庸成已死數月矣儀從甚盛問陸授何職答曰冥曹觀政因出二書以贈一則孝義圖一則放生戒殺書鄭視放生書云此雲棲大師所刻公在冥途何以得此答曰冥王每遇世間嘉言善行必紀錄且頒布遵行人第患不信從耳君能奉行此二書病將愈矣既寤奉二書勉力行之病果漸減因傳其事

造橋

增論江海茫茫匪船莫渡矣下此則為河為溪為溝為澗可無需於船且不便於船者則重有賴乎橋焉橋有長短有廣狹有高矮或用水檠架而起或用石層疊而成豈易言造歟然度其所需之多寡可以易為力者不妨獨造焉其在難為力者不妨與眾共造焉即日因此任勞歟而功以勞而益著也即日緣此斂怨歟而德以怨而更溥也造橋之功竣而往來行人心焉喜之而予之心何樂如之



陽明實錄卷之二

造橋成仙

七

陽明實錄卷之二

七

A large rectangular area on the right page, defined by a double-line border, containing several vertical lines for writing. This area is currently blank.

陽帝實言傳言 卷二
董起庄農爲業。家道從容。每於夏間。凡水停泥陷之處。俱架木爲橋。又於溝渠之間。必搭板爲橋。往來行人。處處稱便。如是三十年。臨終囑其子曰。我適作一夢。上帝嘉我建橋有功。命我爲地仙矣。言罷而逝。


修路

增論往來行人。日夕遊之而不絕者。路也。大路平坦。無待於修。若地有坑窪。或車轍深陷。秋冬乾燥。猶恐難行。春夏雨時。必致困苦。再若高山峻嶺。險隘更多。行人到此。膽落心驚。一或失足。性命不保。仁人君子。發心修之。窪陷者。墊之使平。峻隘者。開之使寬。務使往來行人。咸受平坦之利。此其爲功。豈淺鮮哉。有財者用財。無財者用力。眼見功德。曷不勉諸。



同治辛酉年
卷之二
修路榮貴

三



同治辛酉年
卷之二

三

馬景白爲人傭工。其村中街長五里。值雨後泥深。車輪淤陷。畜受鞭撻。人苦費力。白每於雨後荷鋤。修補令其平坦。易行。十餘年。不倦。後遇一武官。引去入伍。食糧以軍功授。千總。累陞至都司。

